

中興禮書

中興禮書第一百七十九卷

嘉禮七

登寶位二

紹興三十二年六月九日尚書省劄付太常寺十一日
集文武百僚立班紫宸殿設仗坐次祥曦殿祇候駕出
導駕從駕臣僚諸司官詣班直親從官諸色祇應人等
並如常儀從駕

同日兵部言承指揮紫宸殿設仗今欲排設黃麾角仗
一千五十六人其合差執擎儀仗人兵及闕借法物勅
號乞下所屬差辦所有總轄儀仗官伏乞朝廷差委施
行詔差兵部郎官

同日尚書省劄子太常寺狀勘會今月十一日紫宸殿

合設宮架雅樂係在欽宗皇帝服制之內備而不作其所用大樂約二千餘件乞於殿前馬步軍司差軍兵般運經由皇城門入赴紫宸殿排設其合用牌號並樂正樂工合用勅號欲乞下皇城司時暫闕借施行劄下依所申疾速施行

十日太常寺設宮架樂于紫宸殿下十一日宰執文武百僚入詣紫宸孝宗朱琮扶掖皇帝至御榻涕泣再三不坐馮孝宗傳太上皇帝聖旨請皇帝升御座皇帝升御座東側坐知閤門官已下一班起居稱賀次管軍一班起居稱賀次文武百僚橫行北向立舍人當殿稱文武百僚宰臣陳康伯以下起居稱駕皇帝降御座側身西殿下立班定太上皇帝出宮升御座起居

拜見內畢

太上皇帝降座還內宰執文武百僚并退于隔門并兩廊立班聽宣內禪詔訖再拜舞蹈三稱萬歲再拜訖班權退次次復追班入詣殿下分東西相向立少頃今上皇帝服履袍涕泣出宮禁衛諸班直親從儀仗等迎駕自贊帝起居又自贊賀山呼再拜殿下鳴鞭御樂馮向立不坐俟宰臣以下再拜舞蹈三稱萬歲起居稱賀畢宰臣執政官陳康伯等升殿奏臣康伯等言願陛下即御座以正南面上副太上皇授傳之意天顏慨然曰君父之命出于獨斷此大位懼不敢當尚容辭避臣康伯等再奏茲者伏遇皇帝陛下應天順天龍飛寶位第以驚下之材恐不足以仰輔新政然依乘風雲千載之遇實與四海蒼生不勝大慶因再拜賀畢奏事而退宰執

下殿皇帝還內鳴鞭宰執文武百僚並退

同日禮部太常寺言勘會今月十一日皇帝登寶位合

行奏告天地 宗廟 社稷 景靈宮 宮觀 諸陵

兩攢宮據太史局選用六月十四日己卯吉所有應合排辦事件並乞從太常寺依自來奏告體例關報所屬排辦其所差奏告行事等官乞令太常寺具窠目申中書省降勅差官其奏告日依禮例皇帝前後殿不視事詔依

十二日太常寺言勘會今月十一日皇帝登寶位合行

奏告天地 宗廟 社稷 景靈宮 宮觀 諸陵

兩攢宮所有合差奏告官等令太常寺具窠目中中書省降勅差官並合前一日絕早起逐處齋宮致齋至日

行事畢退內 天地社稷 宮觀奏告官依禮例並合
差宰執或侍從官充 太廟 別廟 諸陵奏告官合
差南班宗室節度使以上充其光祿卿以下行事官並
乞差侍從臺諫兩省官禮祠部太常寺官外其餘官並
乞差卿監郎官充其兩擯官乞就差紹興府南班宗室
充候香祝到本府一面擇日行禮詔依

十三日制曰門下春秋法五始之要聿延受命之符天
地以大德曰生蓋下惟新之令太上皇帝慈儉為寶過
駿有聲垂精三紀之間圖治百王之上神謨獨運總一
日萬幾之繁聖武旁昭極四海九州之廣未嘗暇逸久
積倦勤黃屋非唐堯之心居懷重負泰元增漢武之策
欲介長年顧睿訓之博臨懼眇躬之弗稱凡今者發政

施令之目皆得之間安侍膳之餘爰舉舊章用覃曠澤
可大赦天下云云於戲有天下傳歸于子敢忘付託之
恩建皇極敷帝錫厥民允副邇遐之望尚賴股肱同德
中外協謀期共底于中興以益光于永世咨爾有衆宜
體朕懷

十八日上始御後殿宰臣陳康伯因奏曰臣等以十六
日朝德壽宮太上皇諭車每至宮必于門外降輦已再
三諭之既以家人之禮相見自宜至殿上降輦令臣等
奏稟此意上曰來太上皇有旨令朕不須五日一朝只
朝朔望朕于心未安卿等可計議以聞如宮降輦在臣
子于君父禮所當然

詳見正旦冬至朔
望朝見起居門

同日禮部侍郎黃中等言檢閱國朝故事天下山川地

名人姓名字有犯御名及音同者令即改易其州府軍
監縣鎮官司及勅賜名額寺觀奏取指揮伏覩皇帝御
名并同音十一字御舊名計二字欲乞下刑部國子監
於文武式并韻畧內添入及乞從禮部行下都進奏院
頒降迴避施行詔依

十九日客省言契勘諸州軍及監司進奉到賀皇帝
登寶位禮物係進奏院先齋表章赴客省投下逐旋進
到本省具奏目遇朝殿日分入殿擺拽進呈訖關送左
藏庫依數交納欲依例引進其檮擎檐床天武人兵係
殿前司差撥詔依

二十六日特進觀文殿大學士判建康府事充江南東
路安撫使兼行宮留守專一措置兩淮事務和國公張

浚奏臣今月十六日准登寶位赦書內一項應諸帥臣
監司郡守依例進貢推恩臣契勘兩淮殘破及新復州
軍見今人民凋弊府庫匱乏雖欲端誠無從辦出欲望
聖慈特降睿旨應兩淮殘破及新復州軍監司守臣等
許令表奏與免進貢庶幾不至科擾于民詔依

七月一日詔立皇太子登寶位應隨龍官吏諸色人軍
兵等並照前例推恩施行七日武庫軍節度使開府儀
同三司判大宗正事恩施行七日平郡王琮奏臣庸懦
之迹濫掌宗籍茲者恭遇皇帝陛下嗣登大寶鼓舞依
戀之情實倍等夷臣爰自幼歲日侍燕私之密仰荷睿
眷之隆今身雖在外而心未嘗不在陛下之側惓惓之
誠欲趨赴闕庭少陪駕鸞之列頓首陳賀兼有本司職

事奏稟伏望聖慈特降睿旨許臣時暫前去庶得瞻望

天顏少慰臣下之心詔依

自後南班宗室士族等並引刑乞赴闕恭賀詔依

十六日幹辦龍圖天章寶文顯謨徽猷數文閣黃鉞等奏契勘六月十七日奉聖旨藩邸官吏諸色人軍兵等且令依舊仍與接續諸般請給過一月結局取旨合至七月十七日結局罷今具劃一事件下項 一見掌

建王印寶候結局罷日進納御前 一皇子建王府都

監銅朱記至結局罷日繳納禮部 一藩邸兼簿籍收

支單狀在上皆有御筆合就藩邸置架閣庫安頓 一

指使宅紫書表楷書客司抱笏使臣候結局罷並發遣

歸部內不因年勞補授人特到部如有拘礙並依今來

指揮應合得隨龍添差占射差遣等恩例次數並依以

前隨龍官例已得指揮施行 一引接直省官候結局
罷日發歸三省行首司詔依

二十六日禮部言准赦書內一項應諸路帥臣監司郡
守許依例進貢推恩今有合申請事件下項 一省記
到故例文臣前兩府同姪親與假承務郎異姓親太廟
齋郎兩制至少卿監同姓親與太廟齋郎異姓親郊社
郎朝請大夫至朝官同姓親異姓親並與郊社齋郎本
部契勘昨沿渡江及遺失燒燬素牘別無文字見得已
前推恩案例外今省記到故例文臣前兩府同姓與假
承務郎會到吏部稱即今係登仕郎異姓親太廟齋郎
即今係將仕郎其餘以次兩制至少卿監同姓親與太
太廟齋郎異姓親郊社齋郎并朝請大夫至朝官同姓

親異姓親並與郊社齋卽卽今係將仕郎本部今相定
欲乞將前兩府見任知州軍該遇今上皇帝登寶位日
在任守土別無在假事故同姓親與補登仕郎異姓親
并其餘見任知州軍及現任轉運提刑各依故例並與
補將仕郎武臣節度使至供奉官同姓與二班差使異
姓親三班借差本部契勘武臣節度使至供奉官同姓
與三班差使異姓親三班借差本部契勘武臣節度使
至供奉官勅令所稱供奉官東頭係從義郎西頭係秉
義郎同姓親與三班差使異姓親三班借差及批會到
勅令所稱三班差使係進武校尉三班借差係進義校
尉本部今相度如有似此之官該遇今上皇帝登寶位
日在任守土別無在假事故欲並依上件故例推恩施

行京官至幕職州縣官同姓親異姓親並與補京府助教不理選限即今京府助教係將仕郎即合作將仕郎不理選限本部契勘上件官係為京官已下見任知州軍或知州軍闕正官或在假事故差京官已下至幕職州縣官依條合權州軍事該遇今上皇帝登寶位日在任守土依上件省記到故例推恩施行 一勘會記得故例請路帥臣監司郡守具表遣親屬俸表管押禮物到進奏院本院齎詣客省投進訖客省進到進奉官職位姓名并捧表人姓名及總連到已納禮物發到左藏庫朱鈔到部本部行下進奏院勘會指定本官發遇皇帝登寶位當日委的係在任守土別無在假等物故依故例合該推恩保明申部及批會到刑寺自皇帝登寶

位日至今別無故過犯本部擬定合補名目勘驗關司
熟審覆司勳送所屬選分具鈔擬補推恩施行本部令
承令上皇帝登位赦書內一項諸路即位監司郡守許
依例進貢推恩其所行事理內除兩淮殘破及新赴州
軍監司守臣等已承指揮與免進貢禮物不要朱鈔外
其餘行移事理欲乞並依前項故例施行 一勘會諸
路監司如係獨員去處進貢依上件赦文合行赦恩外
若有兩員或三員去處本部今相度如一司有兩員或
三員去處該遇今上皇帝登寶位日在任守土各行奉
表進貢禮物即與照應故例推恩施行候今降指揮下
日行下都進奏院遍牒施行詔依

八月一日禮部太常寺言幹辦龍圖天章寶文顯謨徽

猷敷文閣黃鉞等奏藩邸旌節令有司指定合安奉去
處如法安奉詔令禮部太常寺討論申尚書省今檢照
國朝會要元豐六年六月十二日詔以延安郡王閣牌
印留內中旌節選日移至天章閣禮部太常寺今討論
欲依前項典故令掌管官取旨擇日迎奉今上皇帝藩
邸旌節詣天章閣安奉詔依

二十五日禮部侍郎黃中等劄子檢准敕書內一項應
諸路帥臣監司郡守係前兩府及朝官等若遣親屬進
貢許依舊例等第補授登仕郎將仕郎推恩係理選本
部契勘今來見承諸路州軍中到知州軍等官所遣親
屬內係有官之人即難以補授初官本部今相度如有
似此文武臣該遇今上皇帝登寶位合該推恩之人所

遣親屬若係有官之人欲乞比附吏見行合得大禮奏薦與總麻以上親轉官循資條例與見今官序上與轉行一官選人循一資詔依

二十九日詔藩邸更不立官名仍賜與皇子情等居住九月二十四日龍圖天章等閣奏契勘奉今上皇帝藩邸旌節太常寺禮直官供到將來旌節至閣安奉合用酒果香茶蠟燭乞下臨安府排辦令本閣官行奉安燒香之禮安奉畢後每遇旦望及三節本閣官一員詣旌節前行燒香之禮及今來迎奉旌節赴閣安奉并日後燒香乞就留藩邸香案并花瓶麻爐匙合在閣供設使用所有銀酒注盤盞盞茶托等物件欲乞下文思院計會本閣製造送納詔依

十二月十一日臣僚劄下奏臣伏覩陛下登寶位赦書
 內一項應諸路帥臣監司郡守許依例進貢推恩雨露
 溥施邇遐歡頌訪聞諸路已捧表進貢而有司拘以六
 月十一日不在任之人不該推恩明行告示謂有省記
 臣竊惑之詳思赦書該括並以赦到日為始而諸路帥
 臣監司郡守滿替及到任有在六月十一日之後赦書
 到之前今也在任之人既准赦書自合捧表進貢乃云
 十一日不在任不該推恩審如是則十一日在任者既
 以替去借以為合該推恩則又無捧表進貢之事是二
 者皆不可得豈陛下加惠之意乎赦到日為始應于事
 並已施行獨於此一項却從省記理有未安伏望聖慈
 更賜睿旨伏有司討論施行詔六月十一日在任人許推恩

中興禮書第一百八十卷

嘉禮八

皇帝朝德壽宮

紹興三十二年六月十一日詔今月十二日詣德壽宮朝見

同日禮部侍郎黃中等言今月十二日皇帝朝見太上皇帝儀前期儀鸞司設大次於德壽宮門內小次於殿東廊西向其日俟皇帝出即御座從駕臣僚禁衛等起居如常儀皇帝降御座乘輦將至德壽宮報文武百僚詣宮門外迎駕起居訖前導官太常卿閣門官太常博士禮直官先入詣大次前分左右立定俟皇帝詣德壽宮大次降輦入次御史臺閣門太常寺報文武百僚入

詣殿庭北向立定前導官前導皇帝入小次簾降俟太
上皇帝即御座小次簾捲前導官導皇帝升殿東階詣
殿上折檻前奏請拜皇帝再拜訖前導官導皇帝稍前
躬奏聖躬萬福訖導皇帝復位立又奏請拜皇帝再拜
訖導皇帝詣太上皇帝御座之東西向立前導官於殿
上隨地之宜少立揖班首已下躬典儀曰拜贊者承傳
曰拜在位官皆再拜訖直身揖躬身三舞蹈跪左膝
三叩頭出笏就一拜又兩拜拜訖且躬身班首不離位
奏聖躬萬福訖典儀曰拜贊者承傳曰拜在位官皆再
拜又兩拜拜訖直身立卷班出前導官以次退從駕官
歸幕次
以俟從
駕還內太上皇帝駕興皇帝從入見太上皇后如宮中
之儀訖以俟皇帝還內如來儀每遇正旦冬及
朔望並乞依上儀詔依

同日内侍楊敏中傳宣閤門今月十二日車駕詣德壽宮起居進早膳應從駕臣僚逐幕次賜食畢從駕還內應在內諸門並比常早一刻開如值雨應從駕臣僚並儀衛等並許將雨具

十二日詔今月十三日特作歇泊假一日

十三日尚書省言勘會百官遇朔望合詣德壽宮起居緣車駕至日詣宮竊慮相妨詔令宰臣率百官於初二日十六日詣德壽宮起居

同日詔今後車駕詣德壽宮除經過官司起居外餘並免

十五日禮部侍郎黃中等言准六月十三日詔朕欲每日一朝德壽宮以修晨昏之禮昨日面奉太上皇帝聖

旨謂恐廢萬機勞煩群下不蒙賜許可謂委禮官重定其期如前代朔望甚為踈濶朕不敢取禮部太常寺今討論除正旦冬至欲依已降指揮并修定儀注外謹按漢書高皇帝五日一朝太上皇今欲乞依前項故事每五日一次皇帝詣德壽宮朝見太上皇后帝太上皇后並如宮中之禮是日從駕官回作歇泊假詔依討論到事理施行仍並用一五日其對面班改用三八日同日太常寺狀勘會朔望車駕詣德壽宮日分係行宮中之禮即不集百官陪位立班止係從駕臣僚及閤門狀契勘車駕詣德壽宮起居係用自來常例從駕臣僚宰臣執政官太尉刺史以上學士待制六曹侍郎以上給事中中書舍人起居郎舍人宗室遙郡刺史以上劄

付太常照會

同日詔今後車駕詣德壽宮起居畢駕回應從駕臣僚等並免奏萬福次日依例特作歇泊假一日

同日尚書省言勘會已降指揮車駕詣德壽宮起居次日作歇泊假詔除諸司應奉人作假外其朝廷百司更不作假

同日詔今後宰執以下詣德壽宮起居日特不視事百司並不作假

同日御史臺閤門言勘會已降指揮令宰臣率百官于初二日十六日詣德壽宮起居契勘德壽宮殿内外地步窄隘及值雨或霑濕別無立班去處今相度欲乞遇前項立班日分本臺乞用監察御史以上閤門乞用橫

行并御帶以上起赴立班詔依

二十二日禮部太常寺言准六月十七日詔太上皇帝有詔却五日之朝朕予子道問寢侍膳尤宜勤恪聖訓丁寧朕心未安有司宜詳議以聞禮部太常寺今詳議除旦望皇帝詣德壽宮朝見太上皇帝太上皇后外今欲乞於每月初八日并二十三日詣德壽宮朝見並如宮中之儀詔依

七月八日都省批送下閤門申奉上太皇帝聖旨宰執等朔望到宮既非假日誠妨職務又不欲遞相遠可令遇初二日一到望日更不須來詔今後每月初二日宰執率監察御史以上赴德壽宮起居十六日率侍從以上起居各門今契勘初二日十六日除應奉閤門官并

舍人赴赴外每月初二日宰執率監察御史以上赴德壽起居宮其武臣橫行御帶以上未審合與不合赴赴及十六日侍從以上起居其武臣正任以上未審合與不合赴赴後批送禮部同閤門御史臺限一日看詳同日詔恭奉太上皇帝聖旨前嘗止宰執等月內兩到宮今聞尚與前說不異緣宮前無待漏去處緩急陰雨使百官暴露殊不安懷可今後只初二日率從官等同一次來當恭依太上皇帝聖旨施行

二十一日御史臺禮部閤門言准都省批送下閤門申每月初二日武臣橫行御帶以上未審合與不合赴赴德壽宮起居後批送禮部同閤門御史臺看詳申尚書省尋下太常寺看詳據本寺申每月初二日欲乞用武

臣橫行御帶以上趨起居御史臺禮部閤門今看詳
欲依太常寺看詳事理施行詔依

十二月十八日禮部侍郎黃中等言勘會已降指揮每
月初一初八十五二十二日車駕詣德壽宮起居緣正
月八日英宗皇帝忌辰三月十五日明德皇后忌辰委
是相妨今欲乞改用正月初十日三月十六日車駕詣
德壽宮起居詔依

隆興元年三月十六日睿思殿祇候黃保躬奉聖旨指
揮閤門錢周材乞德壽宮起日引見上殿奉太上皇帝
聖旨錢周材與免引見如日後臣僚乞赴宮引見並與
特免

二年七月二十八日詔八月二十一日壽聖太上皇后

生辰車駕詣德壽宮起居上壽前後合一日並不視事
二十二日歇泊假同日車駕詣德壽宮起居今後准此
八月二十一日內侍楊震奉聖旨指揮閤門得太上皇
帝聖旨今月二十一日壽聖太上皇后生辰車駕詣德
壽宮起居上壽所有二十二日免到宮今後准此
乾道二年五月二十五日詔六月一日車駕詣德壽宮
起居為忌前衣服不便依例特改作六月三日今後准
此

七年二月七日詔今月五日恭承太上皇帝聖旨自今
後車駕詣德壽宮起居如遇衣服不便日並免到宮今
後准此

三月十八日詔恭承太上皇帝聖旨今後每月可只旦

望車駕詣德壽宮起居

淳熙三年十一月一日詔恭承太上皇帝聖旨自今後
遇十五日車駕免到宮慶元壽康宮朝賀

中興禮書一百八十一

嘉禮九

奉上太上皇帝尊號冊寶一

紹興三十二年六月二十一日禮部太常寺言勘會已降指揮合上太上皇帝太上皇后尊號令有司集議以聞用今月二十二日欲乞是日宰執侍從臺諫兩省官禮官於尚書省集議詔依

乾道六年大禮成淳熙二年慶壽上尊號集議此

六月二十三日守尚書左僕射陳康伯知樞密院事葉義問參知政事汪澈同知樞密院事黃祖舜翰林學士知制誥洪遵試尚書禮部侍郎黃中新除中書舍人史浩敷文閣待制知臨安府趙子淵敷文閣待制樞密都承旨徐嘉權尚書戶部侍郎吳芾權尚書禮部侍郎呂

廣問權尚書兵部侍郎陳俊卿權尚書刑部侍郎路彬
權尚書工部侍郎許尹權工部侍郎張闡太常少卿王
普守尚書禮部員外郎劉儀鳳太常丞吳龜年太常博
林栗太常博士楊民望太常寺主簿嚴抗奏勘會已降
指揮合上太上皇帝太上皇后尊號今月二十二日宰
執侍從臺諫兩省禮官於尚書省集議臣等竊惟至德
之世如容成天庭赫胥皆洪荒杳邈莫得而詳自詩書
所載其甚盛者必曰堯舜述其所以致之和効能以天
下邇考之於古皆以耄期而倦勤天下後世猶為美談
恭惟太上皇帝撥亂反正身濟大業中興之功煌煌乎
不可掩已方時救寧國威復振上之五緯順度下而百
穀登衍大功崇成退却不居以春秋鼎盛之年脫屣萬

乘批糠唐虞古有一人而已夫五帝之壽唯堯最高百王之盛唯堯獨冠今茲高世之舉視堯有光謂宜以光堯壽聖為號庶幾揚鴻業而章緝熙仰副太上皇帝巍巍甚盛之德恭請上太上皇帝尊號曰光堯壽聖太上皇帝太上皇后尊號曰壽聖太上皇后臣等謹議伏候勅旨詔恭依令學士院降詔

六月二十七日守殿中侍御史張震守右正言袁乎監察御史周操周必大陳良翰芮燁狀震等各准尚書省劄子以二十二日所定太上皇帝太上皇后尊號數字中有未盡善更令商量疾速來上震等竊恐議論淺陋不足以稱塞明詔欲乞再集侍從臺諫禮官就太常寺公共商議庶幾各陳所見考據精詳免致同異伏候指

揮又試給事金安節試中書舍人唐文若試中書舍人
劉拱權尚書吏部侍郎凌景夏權尚書吏部侍郎徐度
權尚書戶部侍郎汪應辰狀准六月二十五日聖旨前
日議狀已令施行載覽金安節張震等別議各執所見
今欲從光堯壽聖尊號之議奉上太上皇帝以壽聖尊
號奉上太上皇后盡所以欽崇之意已嘗奏知不容但
已第恐數字中有未盡善更令金安節張震等商量疾
速來上安節等仰惟主上方以孝治天下乃者令羣臣
議所以加上太上尊號者安節等偶有所見不敢隱默
聖慈寬大委曲開喻示以安節所未及幸甚惟是尊號
中有未盡善令安節等商量疾速來上顧安節等愚陋
何足以仰副聖訓竊惟自昔有大典禮有大疑議必博

盡衆人之見考求其當今茲典禮之大而說者未一決
非安節等五六人者所能定苟或冒昧承命率爾而對
亦非所以明典禮之重盡論議之公欲望特賜敷奏檢
照體例令侍從臺諫禮官公共商議以俟裁擇安節等
敢不罄竭所知庶幾萬一之補伏候指揮詔不須別議
願於都堂元集議狀內簽書姓名者聽

六月二十八日中書門下省禮房貼子六月二十九日
宣讀詔書令報閣門集官施行合於文德殿宣布

六月二十九日常退朝文武百官並赴文德殿立班聽
宣詔門下朕聞天子必有尊莫大事親之道聖人何如
於孝敢伸歸美之誠酌前代之宏規遵本朝之盛典太
上皇帝聰明淵懿敦敏徇齊積三紀之勤勞倦萬幾之

叢勝遂以大寶付之眇躬祈天莫控於忱衷即日勉承
於景命雖極二儀之大無以昭揖遜之公罄四海之豐
無以效旨甘之奉命鋪張於至德仍訂正於舊章虔上
鴻名益恢孝治太上皇帝宜恭上尊號曰光堯壽聖太
上皇帝太上皇后宜恭上尊號曰壽聖太上皇后仍令
禮部太常寺疾速討論禮儀條具申尚書省取旨副朕
所以圖報大恩之意播告中外咸使聞知故茲詔示想
宜知悉宣訖舞蹈再拜

七月二日禮部太常寺言准詔書節文太上皇帝宜恭
上尊號曰光堯壽聖太上皇帝太上皇后宜恭上尊號
曰壽聖太上皇后仍令禮部太常寺疾速討論禮儀條
具申尚書省取旨今先次討論條具到禮儀下項 一

合差撰冊文官二員光堯壽聖太上皇帝冊文係差宰
臣撰乞差尚書左僕射壽聖太上皇后冊文係差執政
官撰乞差知樞密院事 一合差書冊官二員係差執
政官乞差參知政事同知樞密院事 一合差篆寶官
一員係差執政官乞差參知政事兼並乞朝廷降勅差
官施行 一合修製冊二副並係用珉玉寶二鈕光堯
壽聖太上皇帝寶係用玉造壽聖太上皇后寶係用金
造并泐冊寶法物等並欲乞令工部下文思院修製施
行一寶二鈕一鈕欲乞以光堯壽聖太上皇帝之寶十
字為文一鈕欲乞以壽聖太上皇后之寶八字為文
一今來修製冊寶及將來行奉上之禮事體至重依禮
例合差禮儀使一員係差宰臣欲乞差尚書左僕射并

合差都大主管官一員仍差近上內侍官充伏乞朝廷
降勅差官施行詔依光堯壽聖太上皇帝尊號撰冊文
官兼禮儀使差尚書左僕射陳康伯書冊文官參知政
事汪徽壽聖太上皇后尊號撰冊文官知樞密事葉義
問書冊文官同知樞密事黃祖舜光堯壽聖太上皇帝
壽聖太上皇后尊號篆寶官參知政事汪徽都大主管
官入內內侍省都知徐伸

七月七日尚書省言已降手詔奉上太上皇帝太上皇
后尊號依禮例合令有司先次修製冊寶等欲令工部
指揮所屬預先修製施行詔依

七月四日

松按四
字疑誤

修製奉上光堯壽聖太上皇帝壽聖

太上皇后冊寶行禮都大主管所奏契勘今來所行事

務至重今參酌比擬昨紹興十一年奉上皇太后冊寶都大主管體例條具乞以製修奉上光堯壽聖太上皇帝壽聖太上皇后冊寶行禮都大主管所為名就用兼領玉牒所都大提舉諸司印行使乞差行遣書寫奏報文字使臣人吏一十人內二人充主管文字巡視背印投送文字親事官一十人快行親從二人催促照管官物使臣二人掌管禮儀太常寺禮直官使臣八人定驗時刻大史局官五人並指名下所屬特差詔依

七月九日工部言據將作監文思院上下界申奉聖旨令修製恭上太上皇帝太上皇后尊號冊寶並并公冊寶等法物除玉寶制度大小分寸及公寶冊法物等并合用玉材已具申請外今來所造冊寶并公寶法物等

逐院不知典禮色額制制今欲乞下太常寺專差禮直

官一名赴院指說造作務合典禮詔依

乾道六年太禮
慶成淳熙二年

度寺
寺強仿此

同日禮部太常寺言今續次討論條具到禮儀下項

一將來修製冊寶畢欲乞自大慶殿導引冊寶詣德壽

宮皇帝躬行奉上之禮及文武百僚陪位立班其行禮

儀注乞令御史臺閣門太常寺參酌修定申請一依

禮例奉上行禮日太上皇帝合服通天冠絳紗袍皇帝

亦服通天冠絳紗袍文武百僚合服朝服立班一奉

上册寶前三日遣官奏告天地宗廟社稷景靈宮宮觀

諸陵攢宮其合應辦事件欲乞並依自來奏告禮例施

行一候書篆冊寶文官書篆冊寶文畢令文思院修

製訖授衛冊寶赴省所差內侍進請御書訖却降付本院修製畢前一日文思院授衛冊寶赴大慶殿安設所有殿上合設帳次乞令都大主管所行下儀衛司釘設排辦仍乞將射殿作大慶殿 一合設宮架樂備而不作欲乞於大慶殿及德壽宮令前期相度地步隨宜安設 一奉上冊寶行禮日辰欲乞於工部責限文思院約度修製冊畢工期日申太常寺關太史局選定報禮部太常寺申取朝廷指揮 一奉上冊寶行禮官欲乞依禮例令太常寺具窠目申中書省差官 一合差內侍三員掌管進請御書并安奉照管令乞下入內侍省差官 一奉上冊寶依禮例合用儀仗引導排立其儀仗乞令兵部條具差撥及合用鼓吹備而不作乞令

太常寺依例下殿前馬步三司差撥雜攢樂人充一

將來奉上册寶行禮日德壽宮合用權安設冊寶幄次

乞令都大主管所行下儀鸞司釘設排辦一合差撥

擎冊寶并執擎公冊寶法物天武軍官及援衛親從官

職掌等並乞下禮部申請差撥一依禮例奉上冊寶

前一日於大慶殿幄次安設是日奉上冊寶行禮等官

并禮部冊寶下御史臺閤門太常寺諸司應奉人並合

宿衛詔依乾道六年大禮成淳熙

同日禮部太常寺言工部狀據將作監文思院上下界

申准已降指揮令文思院修製恭上太上皇帝太上皇

后尊號冊寶并沿冊寶法物等本院契勘自來即不經

修製造過尊號玉寶欲乞備申朝廷下禮官討論合修

製玉寶範樣大小分寸制度及沿冊寶法物等下院以憑遵守修製詔依令禮部太常寺討論申尚書省今討論下項 一修製光堯壽聖太上皇帝尊號冊寶今檢准國朝會要奉上尊號冊寶制度禮例用珉玉簡長尺二寸濶一寸二分厚五分簡數從文之多少聯以金繩首尾結帶前後四枚刻龍縷金若捧護之狀藉以錦褥覆以紅羅泥金^大帊冊匣長廣取容冊塗以朱漆金裝隱起突龍鳳金鏤帔銛匣子又有紅羅繡盤龍撼金帊覆之承以金裝長干狀金龍首金魚鈎藉匣以錦緣席錦褥又鈕紅絲為條以縈匣冊案塗朱紅漆覆以紅羅銷金衣寶用玉篆文廣四寸九分厚一寸二分填以金盤龍鈕繫以暈錦大綬赤小綬連玉環玉檢高七寸廣二

寸四分皆飾以金裏以紅錦加紅羅泥金夾帊納於小
盞盞以金裝內設金牀暈錦褥飾以雜色玻璃碧鈕石
珊瑚金精石瑪瑙又盞二重皆裝以金覆以紅羅綉帊
載以腰輿又行馬並飾以金又有香爐寶子香匙灰匙
火筋燭臺燭刀皆以金為之以上冊寶并沿冊寶法物
制度欲乞令工部下文思院參照修製 一修製壽聖
太上皇后尊號冊寶欲乞令工部下文思院參照昨紹
興十三年奉上慈寧殿冊寶修製過冊寶并沿冊寶法
物製度修製詔依禮部太常寺討論到事理施行
文思院上
界中修製冊簡長尺二寸闊一寸二分厚五分實廣四
寸五分厚一寸二分未審今來係用是何尺量度使用
乞詳酌降下尺樣遵依造作施行今檢差照昨製造景
鍾條用皇祐中赤尺所有修製冊寶合照應奏尺分寸景
修製就道六年大禮度成淳熙二年
慶聖壽加上尊號冊寶制度仿此

[illegible]

長七尺並用渾金製造 太上皇后冊寶並沿冊寶法

冊一副 帝以珉玉 長一尺一寸 厚二寸 刻度並與太上皇冊

匣冊案腰輿擔床行馬帕褥條袋法物等 制度並與太

治金銀法 飾等 同 珉玉 長一尺一寸 厚二寸 刻度並與太

銀出水 行龍 鈕 寶斗 量 高 下 全 小 銀 製造 宜 雲 盆 座 子 八

寸半 木胎 用金 銀 釘 金 銀 檢 牌 一 枚 平 長 七 寸 厚 二 分

之寶 半寶 環 隨 宜 以 厚 量 全 寶 造 寶 盞 三 第 一 第 二 第 三 第 四 第 五 第 六 第 七 第 八 第 九 第 十 第 十一 第 十二 第 十三 第 十四 第 十五 第 十六 第 十七 第 十八 第 十九 第 二十 第 二十一 第 二十二 第 二十三 第 二十四 第 二十五 第 二十六 第 二十七 第 二十八 第 二十九 第 三十 第 三十一 第 三十二 第 三十三 第 三十四 第 三十五 第 三十六 第 三十七 第 三十八 第 三十九 第 四十 第 四十一 第 四十二 第 四十三 第 四十四 第 四十五 第 四十六 第 四十七 第 四十八 第 四十九 第 五十 第 五十一 第 五十二 第 五十三 第 五十四 第 五十五 第 五十六 第 五十七 第 五十八 第 五十九 第 六十 第 六十一 第 六十二 第 六十三 第 六十四 第 六十五 第 六十六 第 六十七 第 六十八 第 六十九 第 七十 第 七十一 第 七十二 第 七十三 第 七十四 第 七十五 第 七十六 第 七十七 第 七十八 第 七十九 第 八十 第 八十一 第 八十二 第 八十三 第 八十四 第 八十五 第 八十六 第 八十七 第 八十八 第 八十九 第 九十 第 九十一 第 九十二 第 九十三 第 九十四 第 九十五 第 九十六 第 九十七 第 九十八 第 九十九 第 一百

花盤 龍 振 角 葉 段 葉 釘 第 三 盞 並 用 金 銀 檢 牌 一 枚 平 長 七 寸 厚 二 分

腰輿寶案行馬帕褥條裝袋法物等 制度並與太上皇

等 同 內 裝 釘 用 金 銀 平 銀 花 行 鳳 香 爐 花 帝 尊 號 沿 寶 法 物 皇

同日御藥院言備奉聖旨將太上皇帝見戴頭冠法服

珠翠等並依今上皇帝頭圍身長改易製造一切了當

今承指揮將來奉上册寶行禮日太上皇帝合服通天
 冠絳袍袍本院照應修製內修太上皇帝用寶法物應
 裝飾龍鳳一節更竊照應昨修製奉上慈寧宮册寶禮
 修製施行乾道六年大禮度壽加上尊統修成淳熙二年度皇帝尊號
 册寶并沿用寶法物册一副寸以五五分長尺二寸闊一
 長隨簡間四寸四分其簡并條結首上下邊以金連文兩
 界錫金字文及兩頭用金絲條結首共三枚其條首兩
 除畫神兩條畫龍朱漆用匣一裹金葉段裝八答筆錦托
 上下金條中貫龍朱漆用匣一裹金葉段裝八答筆錦托
 棧銀百花行風金銀錢朱紅腰與擔牀一龍首套條金銀
 鎖并匙兩下用金手把朱紅腰與擔牀一龍首套條金銀
 鈎四箇帔搭座朱漆行馬二葉銀百花行龍朱漆用案
 龍拴寨四箇
 一飾無裝蓋册四幅紅羅繡遍地百花盤龍威金夾帕一
 綾蓋册紅羅三幅兩面銷金夾帕一櫬用紅羅三幅兩
 面銷金夾帕一進用文紅羅二幅兩面銷金夾帕一銷並

金通地腰輿上可面褥子一冊匣子褥子一骨並肩膊

席褥一十二副觀竿行馬褥子四席褥二副並用八

彩畫燭籠四袋黃全天紅羅用紫衣一龍面昇通地百花

昇祿龍通地百花紅線條四針用匣條二校怕條二校絲

二寶鈕鈕寸以五分廣四寸九分厚一寶匣內金床坐四壁

珠裝中開用銀盤龍其深比寶平鈕一石半金寶斗金

小隨宜寶匣內雲盆座子金長八寸半三寸木胎玉檢

牌一子長七寸百脚寸四分厚二寸分寶字造及夫上碩

半寶玉環寶徑寸厚傳王棒檢牌童子二身雕木胎素顏

朱漆寶盃三金梯盤全並用八答華錦北裏第一盛同第

一並修製內第三並並用金接銀百花地盤龍朱漆腰

與一四等金銀座龍檢案四箇朱漆行馬二行金龍葉百

與一四等金銀座龍檢案四箇朱漆行馬二行金龍葉百

間裝蓋寶蓋五幅紅羅繡遍地百花盤龍威金夾帕一

裏裏寶兩幅紅羅夾帕二一鋪金遍地雲龍寶環上八答

暈錦綬帶一朱漆閣寶紫一無紫紅羅閣寶紫衣一紅

羅香紫衣一並鋪金遍地百花盤龍面昇龍朱漆威

寶案一無紫皇帝合服通天冠絳紗袍本院契勘合用

頭冠法服切慮行禮日近製辦不及詔將來太上皇帝

受寶寶禮日恭請服履袍

八月六日禮部太常寺言勘會奉上光堯壽聖太上皇

帝壽聖太上皇后尊冊號寶行禮日辰今據太史局申

宜用八月十四日戊寅吉詔依

同日禮部太常寺言今討論到禮儀下項一檢准太

常寺因草禮天安殿發冊寶不視事一將來拜訖以

冊寶授太尉所有今來發冊寶日欲乞是日皇帝於大慶殿慶面冊以再拜寶授太傅 一奉上冊寶行禮日并前後各一日欲乞前後殿視事 一將來皇帝詣德壽宮躬行奉上冊寶之禮合設大小次 一奉上冊寶行禮畢皇帝致詞賀太上皇帝次侍中承旨宣答畢次入賀太上皇后如宮中之儀皇帝賀太上皇帝畢太傅率文武百僚致詞稱賀太上皇太帝次侍中承旨宣答畢太上皇帝還宮次拜牋賀太上皇后訖退所有上件稱賀并宣答詞並訖令學士院修撰閱報所屬其牋乞令禮部修撰 一將來德壽宮行奉上之禮所有合設大小次及冊寶帳於次宮架樂等並行禮立班地步並乞令禮部太常寺於習儀前期定日期報德壽宮提舉

所照會同御史臺閤門及應奉官司相視 一將來奉
上冊寶依禮例合於行禮日前期習儀欲乞令太常寺
定日闕報御史臺閤門告集合赴行禮陪位等官并應
奉人並赴德壽宮奉上冊寶儀 一將來習儀日并奉
上冊寶行禮日欲乞百司並作休務假行禮畢次日百
司並作歇泊休務假詔依乾道六年大禮慶成淳熙二
年慶壽加上尊號並仿此
同日兵部言將來奉上光壽壽聖太上皇帝壽聖太上
皇后尊號係於大慶殿發冊寶德壽宮行奉上之禮合
用儀仗導引排立本部契勘依議合用黃麾細仗緣人
數稍多切慮窄隘難以排設導引今相度欲乞用皇帝
登寶位排設過黃麾角仗一千五六十人所有合差人
物排辦事件闕借勅號法物等並乞依逐次體例施行

及合差本部郎官一員總轄係承朝廷指揮差委詔依
八月七日禮部太常寺言奉上光堯壽聖太上皇帝壽
聖太上皇后尊號依禮例奉上冊寶前三日遣官奏告
天地宗廟社稷景靈宮宮觀諸陵櫨宮所有奉上日辰
據太史局申選用八月十四日戊寅吉契勘合於八月
十一日奏告行禮所有合差奏告官並合於八月十日
絕早赴逐處致齋至日行事畢退伏乞朝降勅差官具
天上帝奏告官光祿卿奉禮郎太祝太官令各一員皇
地祇奏告光祿卿太祝太官令各一員奉禮郎大社大
稷奏告官光祿卿奉禮郎太祝太官令各一員景靈宮
前殿聖祖天尊大帝聖像前奏告官光祿卿奉禮郎太
祝太官令各一員後殿元天大聖后聖像前奏告官光

祿卿奉禮郎太祝太社官令各一員中殿諸帝神御前
奏告官太祝各一員後殿昭憲皇后至慈聖光獻皇后
神御前奏告官太祝各一員後殿宣仁聖烈皇后至顯
仁皇后神御前奏告官太祝各一員太廟別廟奏告官
光祿卿奉禮郎太祝太官令各一員天慶觀奏告官奉
禮郎太祝太官令各一員報恩光孝觀奏告官奉禮郎
太祝太官令各一員太一宮奏告官奉禮郎太祝太官
令各一員諸陵奏告官二員太祝三員昭茲聖獻皇后
櫓宮永祐陵櫓宮奏告官一員太祝一員紹興府差詔依
八月八日禮部太常寺言今討論條具到禮儀下項
一大慶殿發冊寶畢其冊寶并沿冊寶法物等並合隨
車駕經由道路於禁衛前陳列奉赴德壽宮行禮一

奉上行禮日應行禮應奉及位文文武等官合服朝服立班近緣朝饗太廟權暫拆作單羅給借服著令來秋暑尚熱欲乞且令依舊服著候將來奉上行禮畢令文思院却行修整 一奉上用寶所有應合差讀用舉冊寶及主當傳呼內侍官令太常寺具窠目報入內侍省省取旨差官施行 一大慶殿發冊寶日欲乞至日麗正門和寧門并南北宮門及合經由門戶並比常日早二刻開 一奉上行禮日皇帝自大慶殿發冊至德壽宮行禮所有行禮陪位百僚禁衛等欲乞依禮例至日逐處並免起居 一大慶殿發冊并德壽宮奉上行禮如至日值雨所有行禮官并陪位官欲乞於逐處兩廊并宮殿門內外立班及隨宜引揖升降其冊寶並沿用

寶法物並乞令都大主管所關報所屬排辦兩具其從
駕官及奉上冊寶導從官并祇應人亦許施雨具導從
官免步導步從止騎導騎從 一發冊寶及奉上行禮
合用陪位官立班乞從御史臺閣門各行條具申請施
行 一發冊寶日畢車駕詣德壽宮行奉上之禮其行
禮官內有合從駕官若至日駕至德壽宮換易朝服赴
赴立班行禮切恐遲緩今欲乞除行禮官詣大慶殿發
冊畢先赴德壽宮以俟立班行禮候行禮畢應合從駕
文武臣僚並赴從駕還內詔依乾道六年大禮慶成淳
熙二年慶壽加上尊號
內服朝服依禮例
用大雁外餘仿此
同日禮部太常寺言已降指揮將來奉上尊號冊寶合
用鼓吹并設宮架樂於大慶殿及德壽宮並備而不作

今條具合申請下項 一合用鼓吹乞依皇帝親饗太廟例合差二百三十六人除令丞三人外其餘人下殿前馬步三司差撥各人係前期赴太常寺閱習排列導引儀範隨儀仗習儀并前一日入赴大慶殿排立次日隨宜儀仗導引赴德壽宮排列應奉 一樂正樂工鼓吹並合入赴大慶殿并德壽宮應奉乞從太常寺開具姓名前期報皇城司關借勅號詔依

八月九日禮部太常寺言今月十一日為奉上光堯壽聖太上皇帝壽聖太上皇后尊號用寶奏告天地祖宗廟社稷景靈宮宮觀諸陵其奏告日依禮例皇帝前後殿不視事詔依

自後奏告仿此

同日修製奏上用寶行禮都大主管所言將來奉上光

堯壽聖太上皇帝壽聖太上皇后冊寶行禮差德壽宮
官奉冊置於座前一員奉寶置座前一員員讀冊一員
讀寶一員尚宮奏請前導兼奏禮畢一員詔依年乾道七
尊號淳熙二年度
壽加上尊號仿此

八月十一日太常寺言勘會八月十四日大慶殿發冊
寶詣德壽宮奉上行禮本寺令具差官窠目下項奉上
冊寶太傅一員乞差宰臣侍中一員奉光堯壽聖太上
皇帝寶及壽奉聖太上皇后寶中書令一員奉光堯壽
聖太上皇帝冊并讀冊及奉壽聖太上皇后冊侍中一
員詣太上皇帝御座前承旨并宣答及奏禮畢前導禮
儀使一員前導并奏禮畢已上并乞降勅差執政官或
侍從官押冊案吏部侍郎二員一員押光堯壽聖太上

皇帝冊案一員押壽聖太上皇后冊案禮部侍郎二員
一員押光堯壽聖太上皇帝寶案一員押壽聖太上皇
后寶案奏中嚴外辦禮部侍郎二員一員奏中嚴外辦
一員御前奏中嚴外辦進接圭殿中監一員已上並乞
降勅差侍從官前導冊寶太常卿一員舉冊官四員二
員舉光堯壽聖太上皇帝冊二員舉壽聖太上皇后冊
舉寶官四員二員舉光堯壽聖太上皇帝寶二員舉壽
聖太上皇后寶押樂太常卿一員奏解嚴禮部郎中二
員一員奏解嚴一員御前奏解嚴已上並乞降勅差臺
諫卿監六曹郎中太常博士三員一員贊引太傅一員
贊引前導禮儀使一員贊引太常卿協律郎一員已上
並乞降勅差本寺官詔依差

同日太常寺言閤門狀閤門官每遇車駕行禮與行事官同進中嚴外辦解嚴牌及前導等行事今後令太常寺依制同行事官具窠目申朝廷降勅差令具閤門官下項八月十四日大慶殿發光堯壽聖太上皇帝壽聖太上皇帝冊寶行禮一員進中嚴一員進外辦二員前導皇帝行禮一員進解嚴德壽宮奉上行禮一員進中嚴一員進外辦二員前導皇帝行禮已上並乞朝廷降勅差官詔依

乾道七年加上尊號並仿此
年慶壽加上尊號並仿此

八月十二日入內侍省關今來奉上光堯壽聖太上皇帝壽聖太上皇后冊寶本省承宣指揮差定下項奉上光堯壽聖太上皇帝冊寶行禮冊寶宮中官舉冊四員舉寶四員舉冊案四員舉寶案四員奉上壽聖太上

皇后用寶行禮承旨宣答一員司言前導一員前導皇
帝行禮四員舉寶四員舉冊八員前導壽聖太上皇后
一后員主當官三員贊拜一員傳呼一員設皇帝褥位
一員鋪設冊寶褥位二員探禮畢傳解嚴一員舉寶案
二員舉冊案四員

乾道七年加上尊號並仿此

同日太常少卿王普言伏覩近例主上行禮史官讀冊
內侍贊曰高宣御名勿興竊謂御字不當稱於所尊之
前兼每冊必贊幾於煩瀆今來奉上德壽宮用寶欲望
前期降旨戒諭讀冊官知稟至時更不須贊乞敷奏施
行詔依

八月十四日麗正門和寧門南北宮門早二刻開陪位
文武百僚并太傅已下行事官並服朝服入詣大慶殿

兩廊立班

為位兩

皇帝自內服履袍入御幄服通天冠

絳紗袍出詣大慶殿上詣冊寶褥位前再拜在位官皆

再拜訖皇帝行發冊寶校太傅之禮如儀禮畢皇帝還

幄服履袍還內文武百僚退儀仗鼓吹備而不作儀衛

等接衛冊寶太傅以下行事官導從冊寶至德壽宮皇

帝自祥曦殿服履袍乘輦至德壽宮大次降輦陪位文

武官入殿立班定太傅以下行事官從冊寶入殿皇帝

服通天冠絳紗袍升殿詣西向褥位立太上皇帝自宮

服履袍即座皇帝北向四拜起居訖次行奉冊寶之禮

起居訖次行奉冊寶之禮如儀中書令參知政事史浩

讀用維紹興三十二年歲次壬午八月乙丑朔嗣皇帝

臣御名謹稽首再拜言曰臣聞推成功而不有者必饗

天下之鴻名嗣大歷於無疆者盡盡天下之美報永惟
神心密運始用莫測于天地之大不可以形容日月之
明不可以摹寫而仰乾符之昭答俯與情之樂推有可
以鋪張揚厲庶幾強名其萬一者在於臣子曷可已哉
是以表盛節建顯號繩金鏤玉極其尊崇然後為稱恭
惟太上皇帝陛下剛健中正徽柔懿恭孝悌通於神明
誠信格於高厚垂衣拱手於一堂之上緩步濶視於萬
古之先中興之功不可枚舉者乃憲天聰明克邁萬命
之典學也內修政事外攘夷狄車攻之復古也綜核名
實信賞必罰本始之制度也總攬權綱沉幾先物建武
之風烈也是以方艱難之初則明廟謨擴雄斷以撥亂
反正而置九鼎於莫安及底定之後則偃金革興文教

以持盈守成而措八紘安靖至於旰宵衣食憂勤三紀
雖法宮之親事實黃屋之聖心則又超然遠覽奮然獨
斷而宗廟社稷付于冲人歷觀上世未有春秋鼎盛之
年當安平無事之日脫展萬乘於雍熙揖遜之間而盡
美盡善若陛下者開闢以來一人而已昔者堯之為君
光宅天下允恭克讓壽高於五帝聖冠於百王載籍之
傳昭若雲漢今陛下不以臣為不克負荷使受此丕丕
基方且優游退處無為之地於萬斯年既壽且聖以今
準古視堯為有光矣末予小子懼德弗類無以答揚丕
顯休命用稽典禮仰薦玉冊上尊曰光堯壽聖太
上皇帝欽惟太上皇帝陛下游心太古玩意穆清御姑
射之豐年臨建德之樂國千二百歲陋廣成子之修身

萬百千年應天皇氏之紀歷永膺多福垂祿後昆實我
國家無窮之休臣御名誠懼誠忤頓首頓首謹言讀訖
退復位次攝侍中和樞密院事葉義問讀寶曰光堯壽
聖太上皇帝之寶讀訖退復位皇帝再拜稱賀致詞曰
皇帝臣御名稽首言伏惟光堯壽聖太上皇帝陛下寶
冊告成鴻名肇正與天同壽率土均歡皇帝再拜次侍
中承旨宣答曰皇帝孝通天地禮備古今勉受鴻名良
深威慰皇帝再拜訖西向立次太傅以下再拜賀稱致
詞曰攝太傅尚書左僕射等臣康伯稽首言光堯壽聖
太上皇帝陛下肅臨寶殿誕受丕稱鴻惟天父之尊普
慰帝臣之願奏訖再拜舞蹈次侍中承旨宣答曰光堯
壽聖太上皇帝聖旨倦勤滋久佚老是圖勉受嘉名但

增感慰又再拜舞蹈訖太上皇帝降座入宮皇帝後從
壽聖太上皇后冊寶入宮皇帝詣太上皇后座前北向
立太上皇后升座皇帝四拜起居訖奉上冊寶之禮如
儀讀冊官陳子常讀冊維紹興三十二年歲次壬午八
月乙丑朔嗣皇帝臣御名謹頓首再拜言曰臣聞在昔
哲王嗣有令緒惕焉念付托之重罔不盡欽愛於親蓋
孝治治之本也將靈承上帝之命以順天下之心無以
先乎此者恭惟太上皇帝功高不居脫屣萬幾之重廼
以神器畀之冲人浩若涉川未知攸濟啟迪誨導夙夜
不忘實惟我聖母提攜鞠育迄于有成恩德茂焉夫德
之盛者盡萬物不足以形容恩之隆者極四海不足以
報稱廼若揭鴻名揚顯號以祈祐於上下以垂耀於無

窮惟我祖宗有其舉之是用參稽典禮率籲群心酌天
聖之舊章因光堯之徽稱懋懋惓惓不勝大願謹奉玉
冊金寶上尊號曰壽聖太上皇后恭惟壽聖太上皇后
脩道淵懿體坤靜專正位中宮踰二十載始終一德克
順成天帝勤於邦后則有鷄鳴警戒相成之道帝儉於
家后則有葛覃躬儉節用之風帝表章六經后則惟圖
史之習帝愛惜名器后則絕請謁之私用能配天儼極
濟登至治三南不作有年于茲千古同風復見今日大
懼無以昭懿範貽厥後人亦惟我壽聖太上皇后茂對
閔休誕受顯冊蹈黃裳之元吉介姆神之蕃釐煥德光
堯天地並久敷祐我邦家于億萬年惟寡昧獲承奉慈
訓無數於皇休哉臣御名誠歡誠忭頓首頓首謹言讀

訖退位次讀寶官梁康民讀寶曰壽聖太上皇帝之寶
讀訖退復位皇帝再拜稱賀致詞曰皇帝臣御名稽首
言伏惟壽聖太上皇后殿下德茂坤元禮崇大號寶書
俞受歡忭無疆皇帝再拜次宣答官承旨宣答曰壽聖
太上皇后降座入宮祓容載藏顯號來膺誠孝通天但
深感惕皇帝再拜訖太上皇后降座入宮次太傅以下
文武百僚就德壽宮殿下拜腹稱賀太上皇后訖以俟
皇帝服履袍乘輦還內

八月十五日尚書省劄子奉上光堯壽聖上上皇帝壽
聖太上皇后尊號冊寶禮畢今月十六日宰臣率文武
百僚詣文德殿拜表稱賀

九月二十六日禮部言准都省劄子勘會寺觀宮廟及

鄉里坊巷官私亭館等有犯壽聖及壽德宮字合行改
易劄付禮部條具措置申尚書省尋下太常寺令條具
措置寺觀宮廟有犯壽聖字今欲改作廣福字及有犯
德壽字今欲改作壽安字其鄉里坊巷官私亭館等犯
壽聖及德壽字並乞令所在去處隨事從便改易及人
名等亦合迴避改易乞令進奏院遍牒施行

中興禮書第一百八十二卷

嘉禮十

奉上太上皇帝尊號冊寶二

乾道六年十一月九日詔大禮慶成光堯壽聖太上皇帝壽聖太上皇后合加上尊號可令有司集議以聞十一月十一日詔宰執等于尚書省集議加上尊號用今月十三日

十一月十三日守尚書左僕射同中書門下平章事兼樞密使虞允文參知政事兼同樞密院事梁克家權禮部尚書兼侍讀劉章權兵部尚書兼侍讀黃中試尚書戶部侍郎史正志試尚書禮部侍郎兼侍讀兼直學士院鄭聞給事中王暉試中書舍人兼侍讀范成試中書

舍人趙雄試右諫議大夫徐良能龍圖閣待制提舉佑
神觀楊俟權尚書吏部侍郎汪大猷權尚書吏部侍郎
張津權尚書兵部侍郎兼侍講王之奇權尚書工部侍
兼侍講胡銓試太常少卿黃鈞守宗正少卿兼權尚書
戶部侍郎王佐秘書少監兼權直學士院周必大殿中
侍御史李虞全監察御史劉季裴蕭之敏守太常丞蕭
燧太常博士邱宙秘書省著作佐郎權禮部郎官劉燦
太常主簿錢良臣赴都堂集議奏臣等恭依聖旨集議
加上光堯壽聖太上皇帝尊號曰光堯壽聖憲天體道
太上皇帝壽聖太上皇后尊號曰壽聖慈明太上皇后
伏乞降付學士院後學士院修撰恭請加上
尊號朕得旨政作明施
十一月十四日臣僚劄子伏覲已降指揮加上光堯壽

聖太上皇帝壽聖太上皇后尊號緣上件典禮事大體重參酌援據貴于得宜謹按大唐詔令凡上太上皇帝尊號係人主率百官上表陳請謂宜參用唐制以稱主上事親盡敬之意詔依

十一月十五日太常寺言今具下項 一今來集官議定所上尊號合行具奏進入降付學士院表牋述以皇帝率百僚詣德壽宮恭請加上尊號之意擇日皇帝率百僚詣德壽宮皇帝奉表牋入宮如宮中之儀 一合候學士院修撰表牋進書訖乞降付御藥院以候赴德壽宮供進仍報太常寺下太史局擇日申請 一是日皇帝服履袍自祥曦殿乘輦應從駕臣僚禁衛等起居如常儀以俟從駕至德壽宮內不係從駕臣僚先詣德

壽宮門外迎駕起居訖先入詣殿門內外立班

如位兩或憲濕

先迎駕起居及隨

俟皇帝詣德壽宮輦奉表牋入宮如

宮中之儀次報俟從駕文武官詣殿下立班定禮直官
揖班首以下躬贊者曰拜在位官皆再拜訖次移班稍
東再拜如上儀訖退內合赴迎駕起居官却赴赴逐幕
次以俟起居合從駕官仍侍俟從駕還內 一德壽宮
依所請即合學士院降詔宣布詔依

淳熙二年歲壽拜
表牋恭請加上尊

此號

十一月十八日太常寺言勘會已降指揮皇帝率百僚
詣德壽宮奉表牋恭請加上尊號合候學士院修撰表
牋進書訖報本寺擇日申朝廷據太史局選用十一月
二十一日二十六日詔用二十一日十一月二十二日

皇帝自祥曦殿服袍履乘輦應從駕臣僚禁衛等起居如常儀車駕至德壽宮不係從駕文武臣僚于宮門外迎駕起居訖入詣德壽宮殿下分東西相向立車駕至小次降輦入小次御藥院先入宮奏訖皇帝奉表牋入宮如宮中之儀 恭請加上光堯壽聖太上皇帝尊號表曰皇帝臣慎言伏為郊祀大禮慶成謹帥羣臣詣德壽宮恭請加上光堯壽聖太上皇帝尊號者伏以事親如事天宜盡推尊之義得名必得壽式昭歸美之誠既不藏于精裡聽敬加于顯號臣慎誠惶誠懼頓首頓首竊以逃觀治古無若帝堯明俊德而於變時雍立蒸民而莫匪爾極雖神化要道問朝而不知然濟衆施仁格上下而光被分羲和之職則日月星辰順其序重岳

牧之任則華夏蠻貊罔不從陶成比屋之封坐底垂衣
之治政洪勲而不宰仰後聖以同符恭惟光堯壽聖太
上皇帝陛下惟本欽明政全哲惠駿命受九圍之武中
興恢三紀之餘冠德百王方隆謙而退託脫屣萬乘乃
觀妙于希夷自遂燕超就至養俾涼作獲承于今緒實
晨昏祇奉以貽謀念殫竹帛之書莫效涓埃之報屬此
慶成泰時福介慈闈不勝率土之權心願行鴻名于際
謂莫神于天而憲之惟聖謂大莫于道而體之則純是
皆廣運之成能庶可增崇于高致恭請加上尊號曰光
堯壽聖憲天體道太上皇帝伏望特垂睿照曲徇群情
雖乾坤浩浩之仁形容莫可而臣子睽睽之情惻惻莫
伸謹奉表陳情以聞臣慎誠惶誠懼頓首頓首謹言

壽聖太上皇后尊號牋曰皇帝臣慎言伏為郊祀大禮
慶成謹率群臣詣德壽宮恭請加上壽聖太上皇后尊
號者伏以國之大事已肅展于親祠家有嚴君當並伸
于美報爰鋪張于懿範冀增衍于徽稱臣慎誠惶誠懼
頓頓首恭惟壽聖太上皇后殿下擎中興周塗山翼夏
風播嬪京之詠助誠與子之謀肆是菲涼三修禋祀假
于祖廟寧神本自于寧親陟彼郊邱事地蓋資于事母
荷天心之饗答錫帝祉以駢臻亦既受釐敢忘歸福是
用闡絳寶慈之誼形容朔日之明載揭閭彞益隆孝治
恭請加上尊號曰壽聖明慈太上皇后伏望俯昭誠格
勉抑謙冲對景貺于二儀洽歡心于心表導曰太上儼
極以無窮至哉坤元壽配乾而有永謹奉牋陳請以聞

臣慎誠惶誠懼頓首頓首謹言次宰執文武百僚北向立班定禮直官揖班首以下躬贊者曰拜在位官皆再拜訖次移班稍東再拜訖退以俟從駕還內

同日禮部太常寺言今依昨紹興三十二年奉上光堯壽聖太上皇帝壽聖太上皇后尊號冊寶禮例具到合差書撰冊文官二員篆寶官一員禮儀使一員都大主管官一員伏乞朝廷降勅差官施行詔依光堯壽聖太上皇帝加上尊號書撰冊文官兼禮儀使尚書右僕射虞允文壽聖太上皇后加上尊號書撰冊文官參知政事梁克家光堯壽聖太上皇帝壽聖太上皇后加上尊號篆寶官參知政事梁克家都大主管官入內內侍省

趙志忠

十一月二十二日禮部太常寺言准尚書省劄子勘會
今來皇帝率文武百僚奉表牋詣德壽宮恭請加上光
堯壽聖太上皇帝壽聖太上皇帝尊號如太上皇帝降
詔不允即合降指揮令學士院再修撰表牋皇帝率文
武百僚詣德壽宮恭請其集官聽詔一節于禮寺即無
典故該載學士院勘會今來如或有答詔其集官聽詔
一節既無典故該載除本院別行一面咨報朝廷欲乞
候太上皇帝降詔下日乞降付朝廷伏乞照會

不集
官聽

至是不
詔下

同日德壽宮降詔不允傳日事父孝故事天明事母事
故事地察蓋惟聖人乃能與于此屬聞壬午日至郊見
上帝景氣晏溫神光燭壇非天地明察之效與而乃不

有其美親既卑誠恪率群臣加鴻名于父母此帝王之高行古今之盛典也夫子之愛親既卑誠恪親之于子何事辭避然而怡神閒燕無累于物其可掠美以自尊宣悉茲懷毋重于請也

同日工部言據提轄文思院朱周卿等申今照得紹興三十二年奉上光堯壽聖太上皇帝尊號玉寶一鈕其實用篆文廣四寸九分厚一寸二分蟠龍鈕并用皇祐中黍尺量度修製本院今將降下玉寶材璞一件用黍尺量度得廣分寸應得禮文可以修製其實八厚分半比禮文少厚三分五釐所用鈕合係蟠龍今來降下玉寶材璞其鈕係螭龍鈕高四寸四分五釐厚一寸一分五釐竅濶一寸難以依昨來禮文修製蟠龍止堪改作

蹲坐龍鈕是致未敢興工修製乞朝廷指揮下太常寺
參詳指定以憑遵守修製施行所有今來修製上件用
寶法物其應合用工物亦乞參照紹興三十二年已修
製過體例支破行庶得早辦詔依二十二日太常寺參詳指定欽依文思院朱周卿所申將下玉寶材璞從
宜改作蹲坐龍鈕修製施行詔依

十一月二十三日詔今月二十五日率百僚再詣德壽
宮拜表牋恭請光堯壽聖太上皇帝壽聖太上皇后加
上尊號其儀範並依二十一日禮例施行

十一月二十五日車駕詣德壽宮率百僚再奉表牋恭
請加上尊號如儀 光堯壽聖太上皇帝尊號表曰皇
帝臣慎言近率群臣上表恭請加上尊號曰光堯壽聖
憲天體道太上皇帝伏奉答語未賜俞允者伏以因吉

土而饗于郊具獲博臨之況有天下而尊于父敢懷專
鄉之私嘗備罄于忱詞何以未回于淵聽臣慎誠惶誠
懼頓首頓首臣聞天不可度而猶稱覆燾之恩道不可
名而亦述希夷之旨蓋積累衆多之志或形容萬一之
功事既並時名斯賓實恭惟光堯壽聖太上皇帝陛下
中興復古大德訖民視敝履于衮中共仰有虞之聖遺
元珠於水際孰明黃帝之心猥以冲人紹于大寶每親
承于訓戒思祇謁于嚴恭比奉國常荐修郊類景霽於
假廟之夕星明升壇之初豈菲涼之致然繫聖謨而底
止用披丹悃請益鴻名蓋上合于天心亦下符于民願
切窺周誥尚守堯辭惟君親之美未昭豈臣子之心可
已伏望下允俞之令安延企之情如此則帝命式于九

國靡皇昭假德教加于百姓獲盡愛欽得請是期輸誠
深切謹再奉表陳請以聞臣慎誠惶誠懼頓首頓首謹
言 壽聖太上皇后尊號牋曰皇帝臣慎言近率群臣
上牋恭請加上尊號曰壽聖明慈太上皇后伏奉光亮
壽聖太上皇帝答詔未賜俞允者伏以坤元至順於昭
儼極之功子職效恭爰盡尊親之美顧鴻名之增賁守
謙德而弗居敢貢忱辭存干崇聽臣慎誠惶誠懼頓首
頓首恭惟壽聖太上皇后殿下性存柔正道本靜專基
王化以進賢才受帝祇而施子孫俯慚菲質復祇拜于
郊邱願衍徽稱冀並申於福祿欽述明慈之號實符愛
戴之情況龜從筮從既稽謀之允若而天大地大諒應
物而不違伏望推逮下之仁監由中之懇永同乾造丕

寶彝堂

顯母儀雖日月照垂固靡容于繪畫然涓埃取用庶有補于高深探以至公期於得請謹再奉牋陳請以聞臣
慎誠惶誠懼頓首頓首謹言

十一月二十七日詔恭請光堯壽聖太上皇帝壽聖太
上皇后加上尊號恭奉誥允可命學士院降詔仍用十
二月一日宣布允誥曰再覽來章具孚至意惟雲陽奉
玉本躬至于精裡則宣室受釐尚何謙于專鄉乃移乾
坤之貺用為父母之光顧方自樂于冲虛用意力辭于
稱謂存勞警蹕勤動播紳必欲加巍巍蕩蕩之名蓋將
致尊尊親親之誼實我家之盛典度載籍之前聞使絲
區形孝治之風而惇史紀聖人之行勉抑執謙之志良
深溢美之慚

十一月二十八日閣門言恭請加上尊號恭奉詔允可
令學士院降詔仍用十二月一日宣布今契勘所有手
詔乞預先降付閣門欲乞依御札御至日集文武百僚
于文德殿宣布候文武百僚立班定揖躬身知閣門宣
有勅兩拜訖且躬身聽宣賜手詔訖直身立承受抬箱
于班前提點取手詔對展引宰執親王使相太尉稍前
揖笏看訖出笏歸位宣贊舍人宣布訖百僚再拜訖揖
笏舞蹈三拜訖退詔依慶壽加上尊號宣
布先詔依制仿此

十一月二十九日參知政事兼同知樞密院言梁克家
言准勅差篆光堯壽聖憲天體道太上皇帝壽聖明慈
太上皇皇后尊號寶臣恭稟篆到寶樣謹具進呈詔依
并寶樣劄付文思院疾速施行

同日禮部太常寺言將來加上尊號冊寶依禮例合用儀仗導引排立其儀仗乞令兵部條具差撥施行及合用鼓吹乞令太常寺依例下殿前馬步三司差撥雜撰樂人充所有導引乞從本寺學士院製撰前期降付本寺教習施行詔依

十二月一日宰執文武百僚赴文德殿立班聽宣布手詔如儀詔曰門下饗帝者聖人為能既深慚于涼德事親者天子之孝當益播於鴻名參古今甚盛之規侈國家非常之慶光堯壽聖太上皇帝與天同大體道之宗壽聖太上皇后如月之明以慈為寶久非心之黃屋方自得于大庭言念眇冲親應傳授龜勉屢周于歲籥寅恭三款于陽陔祖宗遺我以閑休高厚畀予以景貺匪

仰遵于慈訓疇克對于昌期宜極推崇致懷滿假矧未央為壽適符漢祖之九年而興慶歸尊具著唐宗之再請用涓穀旦交舉曠儀俯同中外之歡心並行尊親之榮號懇章繼上俞旨輔頌雖蕩蕩民無能名豈易測知于聖德然業日致其孝庶幾單竭于忱誠以承有美之休以對無疆之壽光堯壽聖太上皇帝宜加上尊號曰光堯壽聖憲天體道太上皇帝壽聖太上皇后宜加上尊號曰壽聖明慈太上皇帝后其令有司詳具儀注當親率百官詣德壽宮奉上冊寶告于普率共此榮懷故茲詔示想宜知悉

十二月二日禮部太常寺言今討論條具到中請事件下項 一寶二鈕一鈕欲乞以光堯壽聖憲天體道太

上皇帝之寶一十四字為文一鈕欲乞以壽聖明慈太上皇后之寶十字為文一依禮例合用宮架欲樂乞于大慶殿及德壽宮令太常寺前期相度地步隨宜安設施行所有樂章乞從本寺具節次申學士院製撰前期降付本寺教習施行詔依

十二月十三日兵部言將來加上尊號冊寶合用儀仗導引本部照得紹興三十二年體例係排設施行及合差本部郎官一員總轄儀仗詔依

十二月十四日都大主管所狀奉聖旨將來加上壽聖明慈太上皇后尊號冊寶行禮差德壽宮官下項奉冊置于座前一員奉寶置于座前一員讀冊一員讀寶一員尚宮奏請前導兼奏禮畢一員

十二月十六日禮部太常寺言據文思院申修製冊寶并沿冊寶等法物限至今月十八日一切畢功所有合用行禮日辰今據太史局申選用來年正月一日丙子吉詔依

同日禮部太常寺言將來加上尊號冊寶行禮日用來年正月一日依禮例合前三日奏告天地宗廟等處係于十二月二十七日致齋緣是日使人到闕朝見作樂相妨契勘現今祀祭天地並前二日奏告今欲乞于冊寶行禮前二日奉告天地宗廟等處即無妨礙詔依十二月十七日太常寺言將來大慶殿發光堯壽聖憲天體道太上皇帝壽聖明慈太上皇后冊寶詣德壽宮恭行加上尊號行禮其加上尊號冊寶行禮官今依昨

紹興三十三年奉上尊號冊寶禮例差官案目伏乞朝

廷降勅差官施行詔依

其案目並與紹興三十二年奉
上尊號冊寶差官同得照二年

慶
事
張
仿
此

同日御史臺言今未大慶殿發冊寶及德壽宮加上尊

號冊寶本臺今欲依紹興三十二年恭上尊號冊寶行

禮日陪位官文臣用應通直郎以上及行在見任寺監

主簿承務郎已上職事官並服朝服赴赴逐處陪位等

立班詔依

同日閤門言將來大慶殿發冊寶及赴德壽宮加上尊

號冊寶行禮合用陪位官立班欲乞用武臣修武郎以

上并三衛官僚以上赴赴逐處陪位緣德宮壽殿內地

步窄隘欲乞令橫行以上并應奉官于殿下立班餘官

于殿門隨地之宜趙那立班詔依

同日太常寺言已降指揮加上尊號用寶前二日遣官

奏告天地宗廟社稷景靈宮宮觀諸陵橫宮所有合差

奏告等官並合於前一日赴逐處致宿宰執于都至日

行事畢退伏乞朝廷降勅差官施行詔依案日與紹興三十二年奏

告同唯添告祭安恭皇后橫宮淳熙二年慶壽加上尊號奏告仿此

十二月二十三日禮部太常寺言勘會來年正旦宰執

率文武百僚詣文德殿拜表稱賀次金國使人入賀賜

茶酒并是日皇帝率文武百僚詣德壽宮朝見太上皇

帝訖皇帝從太上皇帝入宮朝見太上皇后如宮中之

儀依近降指揮同日恭行加上尊號發用寶于大慶殿

并德壽宮恭行加上用寶之禮今有合行申請下項

一麗正門和寧門南北宮門并合經由門戶並比常日
早五刻開 一乞大慶殿門先行發用寶禮訖太傳以
下步導步從用寶詣祥曦殿門外幄內權行安設退次
宰執率文武百僚常服並赴文德殿拜表稱賀正旦禮
畢次金國使人入賀賜茶酒退應用寶下行禮官並赴
祥曦殿外權設用寶幄次以俟導從用寶赴德壽宮行
禮 一乞令儀鸞司于祥曦殿門外近南隨宜釘設排
辦權安設用寶幄次 一乞至日德壽宮先行加上尊
號用寶俱畢文武百僚朝服拜牋賀太上皇后禮畢皇
帝服履袍就宮中賀太上皇帝太上皇后正旦禮如宮
中之儀次宰執率文武百僚常服于殿下拜表稱賀太
上皇帝其德壽宮賀正旦表文乞令禮部修撰 一將

來加上尊號用寶行禮畢車駕還內應合趕赴迎駕起居官却趕赴本處以俟迎駕奏聖躬萬福詔依

同日禮部太常寺言準紹興儀制令節諸文大慶大禮

發運監司官

提舉主管茶事提舉坑冶鑄錢公事

諸州長史

三處同

表賀

所有今來光堯壽聖憲天體道太上皇帝壽聖明慈太上皇后加上尊號用寶禮畢係大慶典禮合依上條欲乞令進奏院遍牒施行詔依

淳熙二年慶壽加上尊號仿此